



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

Dvodecima. De quatuor modis videndi Iesum, secundùm deuotionis
affectum.

[urn:nbn:de:hbz:466:1-45790](#)

220 DE INVENTIONE CHRISTI IN TEMPO.
dilectum, & comitare mecum, vsque dum inueniam illum. Quo
viso & reperto, cantabo tecum in iubilo: Congratulamini mihi
omnes, quia inueni, quem diligit anima mea. Ipse est enim,
quem tu peperisti, castissima virgo Maria.

6. Ad hæc illa: Audi consilium bonum, imitare exemplum
meum, & consolabitur anima tua. Si quando perdideris Iesum,
noli diffidere, noli turbari nimium: noli pigritari, noli ab ora-
tione cessare, noli ad consolationes terrenas exire. Sed quare se-
cretum, plange te ipsum, & inuenies Iesum in templo cordis,
quem amisisti peccatis tuis, delectando in rebus vanis. Non enim
inuenitur Iesus in plateis ciuitatis, nec in coetu ludentium, ne-
que in terra suauiter viuentium; sed in congregacione iustorum,
& in Ecclesia sanctorum.

7. Cum gemitu est querendus, qui per dissolutionem est ami-
sus. Cum magna cautela est seruandus, qui per incuriam est cla-
pus. Cum timore & reverentia est supplicandus, qui pigros de-
testatur & ingratos. Cum summa humilitate est reuocandus, qui
per elationem est fugatus. Cum crebra & intenta oratione est
placandus, qui propter euagationem mentis non audit susur-
rantes. Cum ingenti gratiarum actione est laudandus, qui gra-
tiam suam dare est paratus. Cum ardentissimo amore est ample-
ctendus, qui omnibus parcit, omnibus miseretur: qui gratis do-
na sua largitur, & nemini se querenti deesse probatur. Quòd si
quandoque tardat, perseverantem tamen in oratione non relin-
quit. Sed etiā dum nescit, reuusat, clarius illuminat, & cautiū
informat: ne vñquam de se presumat, sed in eo humiliter & de-
uotè confidat. Si igitur hæc bene attendis, Iesum citò placabis,
Iesum in Ierusalem inuenies: quia in pace factus est locus eius.
Iesus in templo cordis tui, sacra oris sui verba predicabit. Iesus
tecum tota die, sicut in thalamo morabitur. Iesus docebit te
omnibus, quæ sunt salutis. Cuius est utique totum, quicquid est
gratiæ & virtutis in Angelis & hominibus, quicquid etiam boni
relucet in creaturis. Iesus ergo semper inuocandus est, semper
querendus, semper desiderandus, semper memorandus, semper
laudandus, semper venerandus, semper amandus, nec in aliquo
offendendus: sed in omni sanctitate & puritate colendus & ado-
randus, qui est super omnia Deus benedictus in saecula. Amen.

D V O D E C I M A.

De quatuor modis videndi Iesum, secundum devotionis affectum.

Luca 10.

1. **B**eatū oculi, qui vident, que vos videtis. Hoc dulce verbum
Domini Iesu Christi, sèpius est ad memoriam reducendum:
ad quem interiores oculi mentis, in spiritu sunt subleuandi; in
quem



quem Angeli desiderant prospicere. Nam eius visio super omnia
lætitiat: eius fruitio, omne desiderium anime implet: eius fa-
cies, omnes sanctos in cælo beatificat. Sed quid facient, qui ad-
huc peregrinantur in terra, nec valent perfrui æternæ claritatis
gloria? Videbunt eum, sed non modò. Videbunt eum à longè, sed
nondum propè. Vident enim eum nunc per fidem, sed neccundi
per speciem. Vident etiam nunc per speculum in ænigmate, tunc
autem facie ad faciem. Vident nunc raptim, tunc autem conti-
nuè. Vident nunc verè, quia credunt firmiter & bene: tunc autem vi-
debunt sine velamine omnia plenè. Beati ergo oculi isti, qui Ie-
sum nunc intuentur in lumine fidei, ut postea eum videant in re-
gno suo cum Angelis Dei. Horum autem conuersatio est in celis
secundum spiritum, quamvis corpore teneantur adhuc in terris.

2. Sed nunc dico mihi, anima deuota & fidelis, quæ Christū
toto affectu cordis diligis, & Christi vestigia sequi niteris; dic
inquam mihi, si tibi optio daretur, & possibile foret, in quali for-
ma Iesum videre velles & optares. Quid tibi magis placet, si
cum videre liceret, vtrum in præsepio iacentem, an in medio do-
ctorum sedentem; vel populis prædicantem, aut etiam in cruce
pendentem? Quid horū plus affectas? Quid dulcissipius sapit? Quid
mouet amplius? Nolo (inquit) in hac parte eligere: nolo mei iu-
ris esse: nolo meā inclinationem sequi, nec proprijs motibus du-
ci: sed volo omnimodè Domini mei Iesu Christi beneplacito
contentari, qui nouit cordis mei secreta rimari ac inuisibiliter
penetrare: ut ipse sit mihi omnia in omnibus, secundum exigen-
tiā meā fragilitatis. Quod sibi magis placuerit, hoc liberè agat:
qualem se voluerit demonstrare, talem se mihi exhibeat, gratum
enim erit omne, quod fecerit. Totus est mihi in singulis, cùm
rectè attendo: nec ylla varietas formæ vel ætatis, mutabit fidem
veritatis: quia indiuisus est Christus, in omnibus his modis verè
adorandus. Sentio enim mihi fore tutissimum, eius arbitrio sinc-
meo volito standum. Habeo tamen desiderium incessabiliter
feruidum, ad ipsum amabiliter intuendum. Magnum vtique &
preciosum gratiæ donatiuum, si vel vnum istorum, quod petui,
concesserit mihi speculandum. In hic præcepto suum velle &
nolle, vt fiat mihi secundum verbum suum, in omni re desidera-
bili vel contristabili absque delicto. Tantū velit, & seipsum mihi
indicit: non causabor de qualitate formæ humanæ, dummodo
liceat illum cernere in deitate. Sed quia hoc genus speculandi
altissimum est & beatorum, contentabor interim omnium fide-
lium more, si Iesum videre merear in humanitatis effigie, prout
interdum aliquibus deuotis se reuelauit in secreta visione. Itaque
si se

222 MODI QUATVOR VIDENDI CHRISTVM.
si se parvulum in cunabulo iacentem exhibuerit, adorabo pro-
fus Deum puerum in carne pro me exinanitum. Laudabo & gra-
tulabor de tantæ pietatis ac paruitatis suæ munere à seculo in-
audito, omni dulcedine & gaudio pleno. Quem enim non dele-
ctaret tam gratiosum videre infantulum, Angelicis laudibus ce-
lebratum: tam sanctum amplecti puerulum, ab omni contagio
purum, à sanctis pastoribus visitatum, à nobilissimis Magis yene-
rabiliter adoratu? Ecce hoc sapit dulcius, & afficit tenerius. Hoc
informat charius primordia mea, præ cæteris actibus eius & si-
gnis, quibus claruit in mundo verus Deus & homo, vagiens in
præsepio paruo. Ad huiusmodi conspectu requiritur oculus mu-
dus, mens humilis, fides firma, cōscientia pura: ut videatur Deus
gloriæ in fragili carne; & in forma serui, creator celi & terra.

3. Quid autem in medio doctorum audiēs illos, & ad quæsta
respondens æterna sapientia Patris? Certe intueri libet pulcherrimi-
num adolescentulum, duodecim annoru ætatem habentem, omni
honestate morū florentem, à planta pedis usque ad verticem nulla
macula fuscum: qui iam perfectè loqui potest, & responsa dare,
& ingenuæ probitatis indicia declarare: ita ut cunctorum oculi
præ admiratione subita in eum essent defixi, & omnes cuperent
eius presentia ac dulcibus colloquijs recreari. Idcirco & ego ali-
quantulum curiosius, in faciem Christi Iesu affecto intendere; &
quæ ædificationis sunt, ex eius ore verba prudentiæ notare.

4. Ecce sedet in medio doctorum puer Iesus, Dominus Ange-
lorum. Audit magistros in terris, qui docet Angelos in cælis: in-
terrogat seniores, ut discant omnes iuniores coram maioribus
tacere, & reuereri. Habet se valde modestè, sedet quietè, tacet ve-
recundè. Cum interrogatur, respondet discretè, nil leuitatis gerit
actu vel sermone: & inter sapientes, perfectæ maturitatis imagi-
næ in annis pueritiæ repræsentat. Si quis totam Ierusalem perlu-
strasset, putas talē puerum, tam decorū & sapiētem, inuenire po-
tuisset? Minime. Sed neque in omnibus finibus Israel talis, etiā
Salomon, & omnes filij regum affuissent. Verè non est similis ei,
neque in cælo, neque in terra, neq; in cū etiis legislatoribus & ma-
gistris. Quapropter nō erat mirū, si Maria doluit multū, cū per-
didisset tā dilectū filium, præ filijs hominū decoratū. Facies nā-
que eius mira iucunditate serena, oculi clari, labia pura, eloquium
dulce, responsio sapientia plena. Dum tacet, ædificat: cū respo-
det, instruit: virtutis est, omne quod agit & dicit: Si tam dulces
fructus emittit in flore, quantos producit in messis vbertate?

5. O quām delectabile est amanti animæ contemplari Iesum
Nazarenum, virum approbatum à Deo, signis & prodigijs corus-
cantem in populo, ac verba vitæ, super mel & fauum dulciora,
disci-



discipulis prædicantem. Si mibi vno tantum die datum esset cum Domino meo conuersari in mundo, felicem me putarē: nec vñquam huius diei obliuisci deberē, propter eminentem doctrinam & humilē conuersationem Filij Dei, cum filijs hominū: qui nul-lum pauperem vel debilem vitauit, sed etiam cum publicanis & peccatoribus manducare solebat. Heu quantum delirat, qui ab hoc sanctissimo exēplari in mundo accenso, vel ad momentum breue cordis oculū deflectit. Aestimandū est, quòd diu indoctus & insipiens manebit, qui vitam suā ad humilitatem humiliis Dei non conformat. Optimè sensit & scripsit magnus Paulus, à Deo illuminatus dicens: *Mihi Christus viuere est, & mori lucrum.* Igitur ^{Phil. 1.}

ad Domīnum meū Iesum Christum oculi mei semper, quoniam ipse est regula mea & sapiētia mea. Nam perfectio omnium vir-tutum relinet in eo tanquam in speculo mundo: nec potest ali-qui melius & perfectius, in omni libro & scientia inueniri & sciri & contemplari, quam in hoc libro vitæ, & lumine vero omnem hominem illuminante: & præcipuè pauperem spiritu, in amore sui transferente.

6. Super omnia autē preciosa vnguenta fragrat passio Domi-ni mei Iesu Christi: continens in breui summa, omniū gratiarū apothecam. Ideo summè delectat, videre Iesum pendente in cru-ce, atque sacrostanta corporis sui vulnera mihi demōstrantē; do-lore quidē liuida, sed amore fulgida, præ omnibus gestis eius cō-punctiuia: vt præter Iesum Christum, & hunc crucifixum, nil libeat menti meæ cogitare, nec legere, nec loqui, neque audire. Hæc faciat mihi Deus, & hæc addat: qui misericordiā peccatori-bus non negat, & deuotorū affectibus piè adest & fauet: vt nun-quā à memoria mea sacratissima passio Domini mei Iesu Chri-sti recedat; sed dolor & amor amātissimi crucifixi, cor meū pene-trent & vulnerent, ac firmissimè vniant & accendant: vt totus mundus mihi vilescat, & Iesus crucifixus, solus super omnia sa-piat, atque ad intima passionis suæ secreta, secretius me & fre-quentissimè inducat.

7. Potest & alijs multis modis, pro desiderio amātis animæ, dilectus Iesus se mirabiliter reuelare: & de sanctissima vita sua, & preciosa morte, ac resurrectionis gloria pleniū informare. Vt quæ sacra Euangelia docent & pandunt verbis exterius, aduc-niente Spiritu Iesu spiritualiter & sagaciter ipse aperiat intus sine strepitu verborū, cùm multa illuminatione summæ veritatis, ad capiendum etiam gloriam deitatis; prout potiri conceditur pur-gatis mentibus quandoque per excessū spiritus, pro consolatio-ne humanæ fragilitatis; secundū quod ipse benedictus Iesus promisit dicēs: *Ego sum ostium: per me si quis introierit, saluabitur;* ^{Iohann. 10.} *& ingredietur & egredietur, & pascua inueniet.* Amen.